

ՀԱՂՈՐԴՈՒՄՆԵՐ СООБЩЕНИЯ

ԱԼԵՔՍԵՅ ԶԻՎԼԵՂՈՎ

(ՈՆՆՂԵՂԱՆ 100-ամյակի առթիվ)

Ա. Ն. ՏԱՅՍՆ

Ալեքսեյ Կարպովիչ Զիվելեզովը (Ալեքսանդր Կարապետի Զիվելեզյան, 1875—1952) մշակույթի ականավոր գործիչներից մեկն էր միութենական շափանիչով: Զիվելեզովի անունը հայտնի էր դեռ հեղափոխությունից առաջ և ավելի հայտնի դարձավ հեղափոխությունից հետո, երբ գիտական կադրերը այնքան կարևոր էին սովետական նոր կուլտուրա դարբնելու համար: Հեղափոխությունն առաջին իսկ օրերից, երբ արդեն թևակոխել էր իր կյանքի 40 սարին, նա իր գիտելիքները և ուժերն ի սպաս դրեց նոր ժամանակների պահանջներին, ծավալելով գիտական, կուլտուրական և մանկավարժական բեղուն գործունեություն:

Զիվելեզովը միջնակարգ կրթությունն ստացել է իր ծննդավայրում, նոր Եսախիջևանի հայ թեմական դպրոցում, հայտնի մանկավարժ և բանասեր Երվանդ Շահազիզի տեսչության օրոք: 1893 թ. ավարտելով թեմական դպրոցը, ընդունվում է Մոսկվայի համալսարանի պատմա-բանասիրական ֆակուլտետը: Այստեղ աշակերտելով ռուս նշանավոր պատմաբան Պ. Գ. Լինոզրազովին, մասնագիտանում է ընդհանուր պատմության մեջ: 1897 թ. փսյուն կերպով ավարտելով Մոսկվայի համալսարանը, Զիվելեզովը առաջս. րկություն է ստանում մնալու համալսարանում պրոֆեսորական աստիճանի պատրաստվելու համար, սակայն ժամանակի լուսավորության մինիստրը մերժում է այդ առաջարկը՝ Զիվելեզովի «ոչ ռուսական» ծագման պատճառով: Բայց այն, ինչ մերժվեց ցարական Ռուսաստանում, հետագայում ճանաչվեց սովետական Ռուսաստանում, ուր Զիվելեզովը դարձավ ոչ միայն Մոսկվայի համալսարանի, այլև բարձրագույն ուսումնական ուրիշ հաստատությունների բազմամյա և բազմերախտ դասախոս-պրոֆեսորը:

Զիվելեզովն իր գիտական զբաղումներն սկսեց Մոսկվայի համալսարանում ուսանելու տարիներին, եբր դրեց իր առաջին գիտական հոդվածը «Вико и его система философии» խորագրով:

Զիվելեզովի գիտական բուն գործունեությունն սկսվեց մեր դարի սկզբին և տևեց հիսուն տարի, այսինքն մինչև իր կյանքի վերջը: Կես դարի ընթացքում մեծ գիտնականը դրեց և հրատարակեց պատմական, գրականագիտական և արվեստաբանական երկու տասնյակ աշխատություններ և բազմաթիվ հոդվածներ:

1 Տե՛ս «Вопросы философии и истории», М., 1896.

2 Դրանց ընդհանուր ցուցակը տե՛ս «Сообщения Института истории искусств АН СССР», 1957, № 10—11.

Զիվելեզովի գիտական գործունեությունը կարելի է բաժանել երկու շրջանի, որոնց բաժանարար սահմանագիծը կազմեցին 1930-ական թթ.։ Մինչև այդ Զիվելեզովն իր ուշադրությունը զլխավորապես նվիրել էր Արևմտյան եվրոպայի պատմության և միջնադարյան հասարակական կյանքի ուսումնասիրությանը, իսկ 30-ական թթ. հետո ականավոր գիտնականն իր հետազոտության հիմնական առարկան դարձրեց եվրոպական և հատկապես իտալական Վերածնունդի մշակույթը։



Իր գիտական գործունեության այդ երկրորդ շրջանում նա հրատարակեց մի շարք արժեքավոր աշխատություններ։ Հատկապես կարևոր էին «Жизнь замечательных людей» մատենաշարով լույս բնծայված մենագրությունները՝ նվիրված իտալական Վերածնունդի երեք մեծ դեմքերին (Րանտե, Լեոնարդո դա Վինչի, Միքելանջելո) և մի աշխատություն՝ նվիրված իտալական ժողովրդական թատրոնին։ Այս երկերի (մանավանդ վերջին երեքի) վերահրատարակությունները պերճախոս կերպով վկայում էին ականավոր իտալագետի գործերի մնայուն արժեքը։ Իրեն իտալական Վերածնունդի գրականու-

թյան և արվեստի հանրաձանաչ մասնագետ Զիվելեզովը 1930—1940 թթ. բազմաթիվ հոդվածներ էր տպագրել սովետական հանրագիտարաններում, ՍՍՀՄ ԳԱ հանդեսներում և զրական մամուլում կամ ներածական հոդվածներ էր գրել իտալական Վերածնունդի հեղինակների ուսուսական հրատարակությունների համար։ Գիտության մեջ կարևոր ներդրում էին անդրիական և ֆրանսիական Վերածնունդի գրականությանը նվիրված գլուխները, որ Զիվելեզովը գրել էր բազմաճատոր կոլեկտիվ աշխատությունների համար և Գ. Բոյաչիևի հեղինակակցությամբ մի աշխատություն՝ նվիրված արևմտանվրուպական թատրոնի պատմությանը։ Այս բոլորից բացի Զիվելեզովն ունի բարձրարժեք թարգմանություններ Վազարիի, Մարիավելլիի, Լեոնարդո դա Վինչիի և Գոլդոնիի երկերից։

Զիվելեզովի գիտական աշխատանքը զուգորդված էր կազմակերպչական և մանկավարժական բուռն գործունեության հետ, որը նույնպես հանրաձանոթ էր դեռ հեղափոխությունից առաջ։ 1898 թ. երիտասարդ գիտնականը Մոսկվայում հրավիրվել էր աշխատակցելու Գրանատի մեծ հանրագիտարանին, ըսկրգբում՝ իրեն պատասխանատու բարտուղար և ապա՝ իրեն հրատարակչության վարչության նախագահ։ 1914 թ., երբ դեռ Գրանատի պատասխանատու բարտուղարն էր, նա Լենինին գրավոր առաջարկություն է անում հոդված գրելու Մարքսի մասին այդ հանրագիտարանի համար։ Լենինը ընդունում է «մեծարգո

³ «История английской литературы», т. I, М.—Л., 1943; «История французской литературы», т. I, М.—Л., 1946; А. Д. Живелегов и Г. Бояджиев, История западно-европейского театра от возникновения до 1789 г., М.—Л., 1941.

կողմնակցի» առաջարկը, գրելով ընդարձակ մի հոդված, որը տպագրվում է Գրանատի հանրագիտարանի 1915 թ. հատորում, «Կարլ Մարքս» խորագրով: Ջիվելեզոյի Գրանատի հանրագիտարանին աշխատակցեց մինչև 1939 թ.: Այդ տարիների ընթացքում նա, բացի վարչական-խմբագրական աշխատանքից, հանրագիտարանի համար գրել է 50-ի շուրջ ծավալուն և մի քանի հարյուր մանր հոդվածներ:

Ջիվելեզոյի գիտական և կազմակերպական գործունեությունը ծավալվում է հատկապես «Academia» հրատարակչությունում, Մաքսիմ Գորկու ղեկավարությամբ և համագործակցությամբ: Գորկին, որի հետ Ջիվելեզոյը նախապես էլ կապված էր նամակագրական կապերով, բարձր էր գնահատում գիտնականի էությունից իտալական դասական գրականության ասպարեզում: Ջիվելեզոյը վարում էր «Academia»-ի իտալական հրատարակչությունների բաժինը դեռ նախքան Գորկու վերադարձը Կապրիից (Իտալիա): Գորկու և Ջիվելեզոյի նամակագրության և համագործակցության տարիներին (1931—1935) և այնուհետև մինչև 1939 թ. ռուսերեն թարգմանություններով և Ջիվելեզոյի ներածական հոդվածներով «Academia»-ի հրատարակչությամբ լույս տեսան իտալական դասական գրականության նշանավոր հեղինակների (Գանտե, Բոկաչչո, Արիոստո, Տասսո, Մաքիավելլի, Կամպանելլա, Չելլինի, Գուիչչարդինի, Լեոնարդո դա Վինչի, Պոլիցիանո, Ֆիրենցուոլա, Մազուչչո, Կարդանո, Վիկո, Գուլդոնի, Գուերացցի, դ'Աձելիո) գործերը: Գորկու հետ նամակագրական կապերի և «Academia» հրատարակչությունում համատեղ աշխատանքի մասին Ջիվելեզոյը պատմել է իր «Горький и итальянская литература» հոդվածում⁴:

1939 թ. Ջիվելեզոյը վարել է արևմտաեվրոպական գրականության բաժինը Գորկու անվան համաշխարհային գրականության ինստիտուտում, իսկ 1945—1949 թթ.՝ թատրոնի պատմության մասնաճյուղը Մոսկվայի արվեստի պատմության ինստիտուտում: Միաժամանակ անվանի գիտնականը գործոն մասնակցություն է ունեցել Հայաստանի ակադեմիայի աշխատանքներին, 1945 թ. ընտրվելով հայրենի ակադեմիայի թղթակից-անդամ:

Ջիվելեզոյի մանկավարժական գործունեությունը նույնպես սկիզբ է առնում վաղ անցյալից: Երիտասարդ գիտնականը դեռ հեղափոխությունից առաջ հրավիրվել էր դասախոսելու Մոսկվայի և Նիժնի Նովգորոդի ժողովրդական համալսարաններում: Հեղափոխությունից հետո լայն ծավալ ստացան արդեն ճանաչված գիտնականի մանկավարժական և դասախոսական աշխատանքները: Սովետական իշխանության առաջին օրերից սկսած պրոֆեսոր Ջիվելեզոյը, գիտական և կազմակերպչական աշխատանքներին զուգընթաց, դասախոսել է Մոսկվայի պետական համալսարանում, Մոսկվայի փիլիսոփայության, գրականության և պատմության ինստիտուտում, Լոնաչարսկու անվան թատերական արվեստի պետական ինստիտուտում և Կարմիր պրոֆեսսորայի ինստիտուտում: 1945—1946 թթ. նա հրավիրվել է նաև Երևան՝ դասախոսություններ կարդալու պետական համալսարանում և թատերական ինստիտուտում:

⁴ «Книжные новости», 1937, № 11.

Ջիվելեզոյի հեղինակությունը ճանաչել և դիտական գործունեությունը գնահատել են Լենինն ու Գորկին, Լուինաչարսկին և Մյասնիկյանը:

Անշուշտ այսօր կարևորն ու մնայունը Ջիվելեզոյի թողած դիտական մեծ ժառանգությունն է, սպտկառելի ոչ միայն ծավալով, այլև արժեքով: Նրա աշխատությունները կարելի է բաժանել երկու հիմնական ճյուղերի՝ եվրոպական պատմությունը և եվրոպական մշակույթը, մասնավորապես իտալական Վերածնունդի մշակույթը: Եթե նախասովետական շրջանում և սովետական շրջանի առաջին տասնամյակներում Ջիվելեզոյը գլխավորապես նվիրվել էր եվրոպական երկրների պատմական և հասարակական երևույթների հետազոտությանը և համեմատաբար քիչ էր զբաղվել իտալական Վերածնունդի մշակույթով, ապա հաջորդ տասնամյակներում ականավոր դիտականը թերթից դեպի գեղագիտական ուսումնասիրությունները և ամենից առաջ ու ամենից ավելի՝ ան փառահեղ շրջանը, որը մշակույթի պատմության մեջ կոչվում է իտալական Վերածնունդ: Այսպիսով զուտ պատմաբանը դարձավ մշակույթի պատմաբան, մշակույթի կարևոր շրջանների վերլուծող: Մի խոսքով, Ջիվելեզոյը, որ մասնագիտությամբ պատմաբան էր, դարձավ գեղագետ, որին կոչված էր իր խառնվածքով ու նախասիրությամբ: Ի դուր չէ, որ Ջիվելեզոյի մերձավորները կատակով նրան անվանում են «человек Ренессанса»:

Եթե նկատի ունենանք, որ նախասովետական շրջանում և սովետական շրջանի սկզբնական տարիներին Ջիվելեզոյի զրած պատմական աշխատություններն այսօր գուցե չունեն այն արժեքը, ինչ որ ունեին իր ժամանակին, եթե նկատի ունենանք, որ հետադաժում, սկսած 1940-ական թթ., Ջիվելեզոյը անգլիական և ֆրանսիական մշակույթի պատմությամբ զբաղվել է ոչ սիստեմատիկ, այլ առիթից-առիթ, ապա դժվար չէ կռահել, որ նրա դիտական գործունեության ամենալայն, ամենատեղական ասպարեզը դարձել էր իտալական մշակույթը, սկսած «իտալական գեղագիտության հայր» և նշանավոր փիլիսոփա Ջան Բատտիստա Վիկոյին նվիրված իր առաջին ուսումնասիրական հոդվածից (1896) մինչև իտալացի նշանավոր արվեստագետ-դերասան Թոմազո Սալվինիին նվիրված հոդվածը, որ տպագրվեց հետմահու (1957):

Այսպիսով, Ջիվելեզոյի ուսումնասիրության հիմնական առարկան եղել է իտալական մշակույթը (զրականությունը, արվեստը և թատրոնը), իսկ նրա ուսումնասիրության առարկայի առանցքը կազմել է իտալական Վերածնունդը՝ իր բազում արտահայտություններով և մեծություններով, սկսած իտալական Վերածնունդի նախակարապետ Գանտեից մինչև XVI—XVII դդ. իտալական ժողովրդական թատրոնը (Commedia dell'arte): Նույնիսկ երբ Ջիվելեզոյը գրում էր եվրոպական մի այլ ժողովրդի Վերածնունդի մեծ հեղինակի մասին, չէր կարողանում կտրվել իտալական միջավայրից. դրա վկայությունն է «Шекспир и Италия» խորագրով իր ծավալուն և արժեքավոր ուսումնասիրական հոդվածը, որ նա տպագրել է Մաքսիմ Գորկու հիմնած հանդեսում⁵: Ի դուր չէ, որ Ջիվելեզոյը հռչակվեց որպես իտալական Վերածնունդի մշակույթի ամենահեղինակավոր մասնագետը և ի դուր չէ, որ ականավոր դիտականի փայլուն աշխատությունները՝ նվիրված Միքելանջելոյին, Լեո-

⁵ Տե՛ս «Литературная учеба», М., 1938, № 12.

նարդո դա Վինչիին և Commedia dell'arte-ին պահպանել են իրենց պատմական ու վերլուծական բարձր արժեքը և վերահրատարակվում են մինչև այսօր:

Զինվորագրվելով ղեղագիտությանը, մեծանուն գիտնականը շրջապատեց պատմությունը. նա այն դարձրեց ոչ թե հատուկ հետազոտության առարկա, այլ ղեղագիտության լծակից: Այստեղից էլ՝ ականավոր գիտնականի ղեղագիտական ուսումնասիրությունների հագեցածությունը պատմականությամբ, պատմական միջավայրով, պատմական շրջանի առանձնահատկություններով: Այստեղից էլ՝ իր ուսումնասիրությունների մեջ այս կամ այն արվեստագետի կամ դրողի այնքան կենդանի, այնքան բարախուն, այնքան հմայիչ պատկերը՝ ներկայացված պատմական շրջագծի մեջ: Նշանավոր գիտնականի ղեղագիտական ուսումնասիրությունները թրծված են պատմական տվյալների շաղախով:

Զիվելեգովի ծավալուն գիտական գործունեությունը թերի կլիներ, եթե շնչերնք նաև այն թելերը, որոնք ականավոր գիտնականին կապում էին հայ ժողովրդի պատմության և մշակույթի հետ: Իրանք հյուսված էին վաղուց, երբ Զիվելեգովը ղեռ սովորում էր նոր նախնական թեմական դպրոցում: Այդ թելերը հետագայում այնքան ամրացան, որ չէին կարող աննշմարելի մնալ նրա գործունեության մեջ: Նա ընդամենը 25 տարեկան էր և ղեռ նոր էր մուտք գործել գիտության բնագավառը, երբ պատմաբանի իր առաջին պատմականություններից մեկը համարեց զբաղվել իրեն ծնող ժողովրդի պատմական ճակատագրով: Այնուհետև ամեն անգամ, երբ Հայկական հարցը հուզում էր առաջացնում ուսու հասարակական առաջավոր խավերի մեջ, Զիվելեգովը առաջիններից մեկն էր, որ իր ձայնն էր բարձրացնում հոգուտ իր ժողովրդի դատի արդարացի լուծման: Երիտասարդ գիտնականը 1900 թ. նոյեմբերի 26-ին Պետերբուրգում հրատարակային դասախոսության կարգաց ուսահայ հասարակական գործիչ Գ. Ա. Զանչիևի հիշատակին նվիրված երկերին⁶: Զիվելեգովի այդ դասախոսությունը Հայկական հարցի ամփոփ պատմությունն էր 1895—1896 թթ. Թուրքիայում և Արևմտյան Հայաստանում հայկական կոտորածների առնչությամբ, որոնք այնքան հուզել էին ուսու հասարակական միտքը և որոնց առիթով այնքան հայանպաստ գործունեություն էր ծավալել Գ. Զանչիևը: Զիվելեգովը հայրենասիրական եռանդուն գործունեություն ծավալեց նաև համաշխարհային առաջին պատերազմի տարիներին, երբ «Русские ведомости», «Армянский вестник» և այլ հանդեսներում տպագրված իր հոդվածներով ուսու հասարակական միտքը հրավիրեց հայկական կոտորածների վրա: Իր այդ հոդվածներում Զիվելեգովը հայ ժողովրդի փրկությունը գտնում էր միայն Ռուսաստանի միջոցով և ուսական հովանավորությամբ: Համաշխարհային երկրորդ պատերազմից անմիջապես հետո, 1936 թ. փետրվարի 20-ին Զիվելեգովը Մոսկվայում կարգաց մի հրատարակային դասախոսություն՝ «Армения и Турция» թեմայով, որը որպես բրոշյուր նույն թվականին տպագրվեց «Правда»-ի հրատարակչությամբ և շատ մեծ տպաքանակով:

Զիվելեգովը հետաքրքրվել է ոչ միայն հայ ժողովրդի պատմությամբ, այլև հայ մշակույթով: Դեռ պատերազմից առաջ, 1939 թ., իբրև պատվավոր

⁶ «Г. А. Джаншнев и Армянский вопрос» (տե՛ս «Русская мысль», М., 1901, кн. 2).

Նյուր, նա Մոսկվայից հրավիրվել էր Երևան մասնակցելու «Սասունցի Դավիթ» էպոսի հաղարամյակի տոնակատարություններին: Հետպատերազմյան տարիներին Զիվելեզովը մոսկովյան մամուլում ուշագրավ հոդվածներ է տպագրել Աբովյանի, Թումանյանի և Իսահակյանի մասին: Արժեքավոր առաջաբաններ է գրել Ե. Եռյանի՝ հայ թատրոնի 2000-ամյակին նվիրված աշխատության և Դանտեի հուշակավոր Երկի հայերեն թարգմանության համար: Զիվելեզովի հետպատերազմյան այցելությունները Սովետական Հայաստան առավել ևս ամրապնդեցին ականավոր դիտնականի հոգևոր կապերն իր ժողովրդի հետ: Հայաստան կատարած այցելությունների ժամանակ, իրանդավառվելով իր ժողովրդի պատմական հուշարձաններով և ներկա նվաճումներով, նա ցանկություն էր հայտնել կյանքի վերջին տարիներին ապրել Հայաստանում: Ե այց վերահաս մահը խափանեց մեծանուն դիտնականի այդ ծրագիրը:

Մեզ թվում է ժամանակն է նախ:սուրաստել Ալեքսեյ Զիվելեզովի ընտիր Երկերի հայերեն հրատարակությունը, հատկապես այն Երկերի, որոնք Մոսկվայում արժանացան հետմահու վերահրատարակության («Леонардо да Винчи», «Микеланджело», «Итальянская народная комедия. Commedia dell'arte»), ինչպես նաև իր բարեփոխած և ընդլայնած «Данте, Жизнь и творчество» մենագրությունը, որը ի պատիվ հեղինակի, միակ համապարփակ աշխատությունն էր սովետական շրջանում մինչև 1960-ական թթ. գրված իտալական և Եվրոպական Վերածնունդի դրականության նախակարգապետ մեծ ֆլորենտացու կյանքի և ստեղծագործության մասին: Զիվելեզովի ընտիր Երկերի թարգմանությունը և հրատարակությունը մեզ մոտ՝ կլինելու մեր ժողովրդի հարգանքի տուրքը մեծանուն դիտնականի հիշատակին:

Ա. Ա. Զիվելեզովի ՀԻՄՆԱԿԱՆ ԱՇԽԱՏՈՒԹՅՈՒՆՆԵՐԸ

- Городская община в средние века, СПб., 1901.
 Средневековые города в Западной Европе, СПб., 1902, 1903.
 Торговля на Западе в средние века, СПб., 1904.
 Армяне в России, М., 1906.
 Начало Итальянского Возрождения, М., 1908, 1924.
 История современной Германии, ч. I, СПб., 1908; ч. II, СПб., 1910.
 Александр I и Наполеон, М., 1915.
 Вольные города в Европе, М., 1919.
 Крестьянские движения на Западе. Исторический очерк, М., 1920, 1922, 1923.
 Армия Великой французской революции и ее вожди. Исторический очерк, М—Пг., 1923.
 Очерки Итальянского Возрождения. Кастильоне-Аретино-Челлини, М., 1929.
 Данте Алигьери, М., 1933, 1946.
 Леонардо да Винчи, М., 1935, 1969.
 Микеланджело, М., 1938, 1957.
 История западноевропейского театра от возникновения до 1789 г. (в соавторстве с Г. И. Бояджиевым), М.—Л., 1941.
 Итальянская народная комедия, М., 1954, 1962.

АЛЕКСЕИ ДЖИВЕЛЕГОВ
(К 100-летию со дня рождения)

А. Н. ТАЯН

(Резюме)

Статья посвящена научной и педагогической деятельности известного советского ученого, крупнейшего специалиста по литературе европейского, в частности итальянского Возрождения, члена-корреспондента Академии наук Армянской ССР Алексея Карповича Дживелегова (Дживелегына, 1875—1952). В ней дается также обзор наиболее важных научных трудов ученого.